



交易通



修裝LV包無撞

青雲路
JobFinder
www.ecjobs.com.hk
全港最強零售及服務業招聘雜誌

P.56

學海無涯

唔使學歷!
做特技化妝師



買名牌袋有時都幾煩，「大嘩嘩」幾千蚊，失驚無神同隔離個陳師奶撞款就真係爛爆！而且用咗三、五、七年之後，個款唔興，到時都唔知用唔用好。有無諗過擇個名牌袋去大改翻新，做一個獨一無二的名牌袋？市面就有一間專為客人改裝名牌袋的鋪頭，可將你在床下底的LV搖身一變成為「世界唯一」的名牌袋。仲係覺得肉赤？你又可以自己設計手袋，包冇撞款。

「修皮皇后」

癡改

▶ 「修皮」皇后Ava替客人將LV正貨改成心形袋。



周麗琪：「估唔到LV可以變成咁！好得意。」



徐子淇：「好有創意，不過可以玩盡啲，例如加些花或者加條鏈，手工好正！」

眼開眼開！

LV 包冇撞

最愛「修皮」

銅鑼灣蘋果商場內，「貓製品」老闆Ava在那張如學生書桌般大的「工作坊」上裁剪一塊牛皮：「個袋要下星期俾個客，由於佢要求比較複雜，所以要快手啲。」

說完又大塊大塊地剪起牛皮來。

記者定眼看，整間「貓製品」密密麻麻掛滿皮製手袋、銀包、手帶，很難相信全部都由Ava親自設計、買料、車工。「顧客更可隨自己的喜好，訂造任何款式的皮具，好似手機套、化妝袋、狗仔床、煙盒、筆記簿套……只要你想得到，我都做得到！皮鞋同皮襪除外，因為呢兩樣涉及另一種技術。」Ava笑笑口說。



Ava無師自通，全靠睇書學識造皮具。

LV手袋變化妝袋

Ava說芸芸皮具中，她最有興趣的是改裝舊款LV手袋：「開咗鋪個零月，突然有個客問我可否改裝佢個LV狠袋，因為佢係超級LV fans，佢其中有個袋好舊，帶出街好老套，但又唔捨得掉。」

Ava抹一抹汗繼續說：「不過佢有idea

要做乜款，叫我自由發揮，我真係覺得好有挑戰性，因為從未試過改裝名牌袋，而且LV最麻煩嘅地方係要對花紋，一時錯手更有得救。」

結果Ava苦思了一個月，才決定將那個殘舊的LV「中古品」改為一個化妝袋及一個鏡套，手工費只收四百五十元；顧客非常滿意。「佢擺走個袋後又返嚟搵我，仲話好多女仔朋友都大讚個鏡盒夠特別，叫我介紹佢哋嚟整個，聽到我都好開心。」

Josephine則拿了一個LV的A4文件夾給Ava，改成心形手挽袋：「個文件夾買成二千幾蚊，但買咗之後一直擺喺屋企。之後有幾次經過『貓製品』，發覺佢手工同心思都幾好，所以全權交俾Ava幫我改裝。」Josephine提議造成心形，Ava認為可行便開工，這次Ava只收五百元。「我見到真係有好大驚喜！估唔到個袋會造得咁靚，之後我就成日擺出街。」當記者問她怕不怕人誤會改裝LV是A貨時，她得意地說：「第一係A貨只會照抄真款，邊會出心形袋咁獨特？第二係我啲朋友同事個個都知我買真貨，點會誤會係A貨？」

Ava將改裝的照片放在櫥窗，隨即吸引其他改裝LV的顧客，這些LV客之後常常拿手袋來改裝，變成熟客。「不過翻版貨一定唔會接囉，整cheap晒！」Ava說。

大變身

Ava將顧客嫌過時的LV袋，改裝成化妝袋和皮鏡套。



文件夾變手挽



original

A4文件夾
(照片由被訪者提供)



預備變化妝袋



打造《七劍》宣傳套

「我仲幫電影《七劍》造過宣傳品，今年七月在戲院上映前，負責設計電影宣傳品的『新與劉設計顧問公司』，想製作一本宣傳冊，作為電影賣埠之用，內容包括英文故事簡介和插圖，用皮套包住。」

「電影公司的人找我時好神秘，只說要造一本冊子皮套，A3大小，還自備了一幅牛皮做封面，要求封面要開一條罅，邊沿則要凹凸凸凸，要睇落好舊咁款。」Ava畫好設計圖後，對方帶來數十頁的內容來度位，她才知道與《七劍》有關。「感覺好榮幸，因為佢哋係專幫電影公司宣傳的大公司，唔知佢哋點解會揀我！但唔敢問，對方只話用來賣埠，俾外地電影商睇。幾日就起貨，收了\$800。」

「新與劉設計顧問公司」劉艷珊小姐表示：「我其實行過佢間鋪幾次，覺得佢造皮手工好得，咁佢公司又有造一本皮製《七劍》宣傳套嘅idea，於是咪搵佢合作，其實都有搵過其他大概皮革公司，不過都係要大數量先肯做，而我只係要做一本。」



▲意大利羊皮手挽袋\$580



▲電話掛袋\$150



▲牛皮斜揸袋\$1,200



▲除了改裝LV外，Ava還會自製皮手袋，就連model Christy亦愛不釋手：「我最鍾意紫色狐狸頭，好得意！」



▲邊沿不規則的設計和手工都是由Ava負責。

男客愛訂造

不過Ava承認，改裝LV與造《七劍》皮套，都只是用來「省招牌」，而主要收入則來自她自製及客人訂造的皮製用具：「女仔客多數即場睇中心頭好便即時買；男顧客則喜歡訂造，男仔要求反而高啲，真係估唔到！」Ava說。

任職室內設計的洪先生之前訂造了一個皮袋，來看紙樣：「我想要一個多格數的皮袋，用嚟擺各種用具如筆、PDA、MP3等，但搵過好多有名無名鋪頭都唔啱心水，見到呢度有得訂造，不知幾開心，

我即刻畫咗幅圖叫Ava幫我造，佢收我\$1,200蚊，全皮啲，抵到爛！」



任職設計師的洪先生在市面找不到合適的皮袋，稱只有訂造服務才能滿足他。

愈難造愈平

Ava對自己要求非常高，堅持每個款式只造一個，確保行出街唔會撞，還說靈感源源不絕：「我天生就係『皮癡』，只要看到一幅未加工的靚皮，腦海自然浮現出一件製成品，就好似幅皮對我講：『你唔將我造成呢款手袋就浪費咗我』，或者呢樣就係我嘅天分。」Ava笑笑口說。

她最喜歡挑戰自己，如果顧客訂造的款式太易造，她會覺得沉悶，相反她沒有造過的剪裁、構造、駁口等即十分雀躍，「愈難造我就愈有滿足感，所以遇到這些顧客，我不介意計平少少。」

無師自通

Ava的皮具手藝是無師自通，她自小便鍾愛皮具，幾乎無皮不歡（人皮除外）。十多年前買書自學製造皮具的方法，自己用的手袋、錢包、鎖匙包全部自製，更萌起開鋪的念頭。「兩年前我還在廣告公司做宣傳工作，月薪二萬以上，但還是想開鋪，做自己喜歡的事；加上市面絕少可以幫客人訂造皮具的鋪頭，我認為有得做。」



▲不少顧客願意將LV皮配搭其他皮造成手袋。

於是她毅然辭工，花了幾個月時間找到了只需五千五元租金（現加至七千）的蘋果商場，預先造了四十件皮具就「膽粗粗」開鋪。「嗰時心諗，無人買就執包袱離場，誰知第一日開鋪兩個鐘就有人幫我買咗個手袋，激動到手震，嘩！有人欣賞我啲嘢嘢！即刻打返屋企話俾屋企人聽！」Ava回想起當時情景即時眼濕濕。

開鋪第一個月，生意僅足夠交鋪租和買皮成本，幸好生意在半年間已轉虧為盈，她更加設皮具修理和皮具壓花服務：「雖然話我啲手工獨一無二啫，但都要認啲新嘢，咁樣競爭力又會大啲嘛。」



Ava最常去味蘭街的皮革批發商入貨，圖中25平方呎的牛皮約售\$525（平均每呎\$21），須整幅買，可造兩個一呎乘呎半的手袋。

和平皮革

地址：旺角味蘭街110號地下
電話：2771 7675

市面十分一價

以修理名廠皮具著名的卓峰維修皮具專門店，只會維修配件，最常見是銀包用線，維修費由\$50至\$450；拉鏈由\$250至\$600。手袋內裡夾層由\$600至過千元不等，換新帶約\$800，但只會配最靚色的真皮帶，不是原廠帶。「貓製品」價錢則約為市面十分之一，換帶約\$60至\$150，夾層\$80-\$500。

卓峰維修皮具專門店

中環皇后大道中35號商業大廈地下B舖（2530 0978）

顧客比例

訂造皮具：40%
（包括LV改造）
即場購買：40%
修理皮具：20%

每月賺兩萬

租金 \$7,000
入貨 \$6,000
營業額 \$33,000
盈利 \$20,000

貓製品

地址：銅鑼灣希慎道15號
蘋果商場12A舖
電話：2808 4949

一個月起貨



1 依尺寸剪出適當的形狀，預合及黏貼成立體紙樣。



2 顧客滿意樣後便開始製作，第一步是削皮。



3 用製皮衣車完成收位。



4 銅釘和金釧扣則要錫仔固定。



5 完成品依足紙樣製作。售\$950